

ad minus dabey/vnd soll auch also verstandē werden/ wie die alten Hippocratischen Galenischen vnnnd Arabischen Art Panacas haben / vnd generalia medicamenta.

Es soll auch das wort vniuersalis nicht also aufgelegt werden / wie der Panacee Krämer von seinem Puluer vnnnd terra sigillata schreibt / als ob diese tinctur einig vnd allein alles vermöchte / was in Kranckheiten muß verrichtet werden / sondern man muß auch andern das ihre lassen / vnd die præparantia vnd adiuantia, item bonam Diœtam, chirurgica, als schreyffen / ader läß / wo diese nöhtig / nicht bey seite setzen. **Dispensam.** Wie soll sie aber vnheissame Kranckheiten curiren? Dis wort ist nicht auff Paracelsisch zu verstehen: sondern was andern Mitteln nicht weichen wil / vnd doch sonst kan gehelet werden / wenn der Patient vnd externa darzu stimmen / vnd zu fördern es Gott gefällig / daß der Patient soll liberirt werden / (denn etliche sint pœna diuinæ, dawider kein humanum remedium hilft: wie jener Medicus soll zum Artiecho gesagt haben: vnnnd wil Hippocrates daß in Kranckheiten etwas diuini mit vnterlauffe / wider welches sonst kein Mittel / denn placationes diuinæ, vnnnd soll darauff der Patient bald anfänglich bedacht seyn) als dann heylet es die schäden / die auff die vegetalia vnnnd animalia nicht geben / als podagram, quartanam, hydropem, elephantiasin, hemiplegiam, epilepsiam, &c.

Es ist auch dieses zu mercken / daß solche Arzney bisweilen wol die essentiam morbi extirpirt hat / aber doch bleiben symptomata immedicabilia, welche nochmals für sich morbi seyn: als wenn epilepsia mit fren conuulsionibus, oder spasmus etwas zerrissen / oder distortum haben / das hernach nicht kan wider erstattet werden / eben als wenn ein Zahn außgeschlagen wär / oder der kalt Brandt ein glied hinweg genommen hett: Da heylet sich wol was die Epilepsiam, &c. betrifft: aber das verderbte wirdt nicht allzeit erstattet. Es gehört auch ein grosse Vorsichtigkeit zu solchen spiritualischen Arzneyen / denn sie sind nicht also flug / wie die Paracelsisten wollen: sondern agiren naturaliter für sich / vnnnd wo viel materia peccans ist / da resolvirt sich viel / vnnnd mache
es mit